

ხელშეკრულება სახელმწიფო შესყიდვების შესახებ
ხელშეკრულება Nსშ/20-026

ქ. ბათუმი

2020 წელი

ჩვენ, ერთის შპს სანდასუფთავება (შემდგომში „შემსყიდველი“) წარმოდგენილი მისი დირექტორის დუმბაძის სახით და მეორეს მხრივ, შპს კია მოტორს ჯორჯია (შემდგომში „მიმწოდებელი“) წარმოდგენილი მისი დირექტორის გიორგი ამაშუკელის სახით, „სახელმწიფო შესყიდვების შესახებ“ საქართველოს კანონის 101 მუხლის, მე-3 პუნქტის „თ“ ქვეპუნქტისა და 24-ე მუხლის 61 პუნქტის შესაბამისად და საქართველოს მთავრობის 2011 წლის 21 იანვრის #26 დადგენილების საფუძველზე, გამარტივებული შესყიდვის საშუალებით ვდებთ წინამდებარე სახელმწიფო შესყიდვის შესახებ ხელშეკრულებას შემდეგზე:

1. გამოყენებული ტერმინების განმარტებები

ხელშეკრულებაში გამოყენებულ ტერმინებს აქვთ შემდეგი მნიშვნელობა:

- 1.1 „ხელშეკრულება სახელმწიფო შესყიდვის შესახებ“ (შემდგომ - „ხელშეკრულება“) - შემსყიდველ ორგანიზაციასა და მიმწოდებლის შორის დადებული ხელშეკრულება, რომელიც ხელმოწერილია მხარეთა მიერ, მასზე თანდართული ყველა დოკუმენტით და დამატებებით და ასევე მთელი დოკუმენტაციით, რომლებზეც ხელშეკრულებაში არის მინიშნებები.
- 1.2 „ხელშეკრულების ღირებულება“ ნიშნავს საერთო თანხას, რომელიც უნდა გადაიხადოს შემსყიდველმა ორგანიზაციამ მიმწოდებლის მიერ ხელშეკრულებით ნაკისრი ვალდებულებების სრული და ზედმიწევნით შესრულებისათვის;
- 1.3 „შემსყიდველი ორგანიზაცია“ (შემდგომ „შემსყიდველი“) ნიშნავს ორგანიზაციას (დაწესებულებას), რომელიც ახორციელებს შესყიდვას;
- 1.4 „მიმწოდებელი“ ნიშნავს პირს, რომელმაც გაუწევს მომსახურებას სახელმწიფო შესყიდვის შესახებ მოცემული ხელშეკრულების ფარგლებში;
- 1.5 „დღე“, „კვირა“, „თვე“ ნიშნავს კალენდარულ დღეს, კვირას, თვეს.

2. ხელშეკრულების საგანი და საგარანტიო პირობები

- 2.1. წინამდებარე ხელშეკრულების საგანს წარმოადგენს შემსყიდველი ბალანსზე რიცხული ნაგავმემკრები მანქანების (ჩამონათვალი მოცემულია დანართი N1-ში) ტექნიკური მომსახურება (სარეგლამენტო სამუშაოები), ავტოტექმომსახურება-შეკეთება, და შესაბამისი ნაწილებით უზრუნველყოფა.
- 2.2. ტექნიკური მომსახურების დროს გამოყენებულ სათადარიგო ნაწილებზე ვრცელდება გარანტია 3 თვე, აღნიშნული ვადის განმავლობაში მიმწოდებელი ვალდებულია საკუთარი ხარჯებით დაუყოვნებლივ აღმოფხვრას აღმოჩენილი წუნი/დაზიანება.

3. ხელშეკრულების ღირებულება

- 3.1. მომსახურების გაწევის ფასი განისაზღვრება ლარებში.
- 3.2. ხელშეკრულების სავარაუდო ჯამური ღირებულება შეადგენს 9829 (ცხრა ათას რვაას ოცდაცხრა) ლარს.
- 3.3. ერთეულის ღირებულებები მოცემულია დანართ 2-ში და წარმოადგენს ხელშეკრულების განუყოფელ ნაწილს
- 3.4. თუ მომსახურების პროცესში აღმოჩნდება, რომ საჭიროა ისეთი მომსახურების და/ან სათადარიგო ნაწილის მიწოდება, რომლის ფასიც განსაზღვრული არ არის დანართი N2-ით, ასეთ შემთხვევაში მომსახურების გაწევა იწარმოებს ორივე მხარის უფლებამოსილი პირის მიერ შედგენილი და დამოწმებული დეფექტური აქტის საფუძველზე.
- 3.5. შემსყიდველი უფლებამოსილია მომსახურება შეისყიდოს მხოლოდ მისი საჭიროების შესაბამისი მოცულობით.
- 3.6. ხელშეკრულების ჯამური ღირებულება მოიცავს ხელშეკრულებით გათვალისწინებული მომსახურების გაწევასთან დაკავშირებულ მიწოდების ყველა ხარჯს (მათ შორის სათადარიგო ნაწილების ღირებულებას) და საქართველოს კანონმდებლობით გათვალისწინებულ გადასახადს.
- 3.7. თუ მომსახურების პროცესში აღმოჩნდება რომ საჭიროა ისეთი მომსახურების და/ან სათადარიგო ნაწილის მიწოდება, რომლის ფასიც განსაზღვრული არ არის დანართი N2-ით, ასეთ შემთხვევაში ფასი მხარეების შეთანხმების საფუძველზე განისაზღვრება.

4. ანგარიშსწორების წესი

- 4.1 ანგარიშსწორება მოხდება ლარებში.
- 4.2 გადახდის ფორმა – უნაღდო.
- 4.3 დაფინანსების წყარო: ადგილობრივი ბიუჯეტი
- 4.4 ანგარიშსწორება მიმწოდებელთან განხორციელდება ეტაპობრივად, გაწეული მომსახურების ღირებულება ანაზღაურდება მიმწოდებლის მიერ ანგარიშსწორებისთვის საჭირო დოკუმენტაციის- გაწეული მომსახურების მიღება-ჩაბარების აქტების და საგადასახადო ანგარიშგაქტურის მიმწოდებლის მიერ წარმოდგენიდან 5 კალენდარული დღის ვადაში.

5. ხელშეკრულების შესრულების კონტროლი და ინსპექტირება

5.1 შემსყიდველი უფლებამოსილია განახორციელოს მომსახურების გაწევის კონტროლი და ინსპექტირება

5.2 მიმწოდებელი უფლებამოსილია დაესწროს ინსპექტირების პროცესს.

5.3 შემსყიდველის მხრიდან ხელშეკრულების შესრულების კონტროლს/ინსპექტირებას განახორციელებს შპს სანდასუფთავების ინსპექტირების ჯგუფი.

6 მომსახურების გაწევის პირობები

6.1 მომსახურების განხორციელება ხელშეკრულების გაფორმების თარიღიდან 2020 წლის 31 დეკემბრის ჩათვლით.

6.2 მომსახურება გაწეულ უნდა იქნას საქართველოს მასშტაბით დაუყოვნებლივ, რიგგარეშე;

6.3 მიმწოდებელი ვალდებულია მომსახურება გაგვიწიოს ქალაქ ბათუმის სერვისცენტრში მის: ბათუმი ბაქოს ქ. N35-ში, ადგილზე მისვლით,

მომსახურების ვადები თითოეულ შემთხვევაზე არ უნდა აღემატებოდეს: სავალი ნაწილებისთვის - 10 დღეს, ელექტრობისთვის - 10 დღეს, ძირითადი აგრეგატებისთვის - 15 დღეს.

6.4 თუ გასაწევი მომსახურებისთვის საჭირო ნაწილი არ არის მიმწოდებლის საწყობში, მომსახურების ვადა განისაზღვრება მხარეების ურთიერთშეთანხმებით, მაგრამ არაუმეტეს 60 სამუშაო დღისა, რაც აუცილებლად უნდა დაფიქსირდეს დეფექტურ აქტში.

7. შესყიდვის ობიექტის მიღება-ჩაბარების წესი

7.1 მიმწოდებელმა შემსყიდველს უნდა წარუდგინოს მომსახურების გაწევისას თითოეულ ავტოსატრანსპორტო საშუალებაზე სრულყოფილად შევსებული გაწეული მომსახურების შუალედური მიღება-ჩაბარების აქტი

8. ხელშეკრულების პირობების შეუსრულებლობა

8.1 ხელშეკრულებით ნაკისრი ვალდებულების შესრულების ვადის გადაცილების შემთხვევაში, მეორე მხარე უფლებამოსილია დამრღვევ მხარეს დააკისროს პირგასამტეხლო ყოველ ვადაგადაცილებულ დღეზე შეუსრულებელი ვალდებულების ღირებულების 0,02%-ის ოდენობით.

8.2 იმ შემთხვევაში, თუ დაკისრებული პირგასამტეხლოს ჯამური თანხა გადააჭარბებს ხელშეკრულების ჯამური ღირებულების 10 (ათი) პროცენტს, მხარეებს აქვთ უფლება შეწყვიტონ ხელშეკრულება და მოსთხოვოს მეორე მხარეს ხელშეკრულების შეწყვეტის მომენტისთვის გადასახდელი პირგასამტეხლოს ანაზღაურება.

8.3 პირგასამტეხლოს გადახდა არ ათავისუფლებს მხარეს ძირითადი ვალდებულებების შესრულებისაგან.

8.4 მხარეები ვალდებულების არიან, ამ მუხლით გათვალისწინებული საჯარიმო და პირგასამტეხლოს თანხები გადაიხადონ მოთხოვნიდან 5 სამუშაო დღეში.

9. ხელშეკრულებაში ცვლილებების შეტანა

9.1 ხელშეკრულებაში ნებისმიერი ცვლილების, დამატების შეტანა შესაძლებელია მხოლოდ წერილობითი ფორმით, მხარეთა შეთანხმების საფუძველზე.

9.2 ხელშეკრულების პირობების, მათ შორის, ფასის შეცვლა დაუშვებელია, თუ ამ ცვლილებების შედეგად იზრდება ხელშეკრულების ჯამური ღირებულება ან უარესდება ხელშეკრულების პირობები შემსყიდველისთვის, გარდა საქართველოს სამოქალაქო კოდექსის 398-ე მუხლით გათვალისწინებული შემთხვევებისა. ხელშეკრულების პირობების გადასინჯვა მოხდება საქართველოს კანონმდებლობით დადგენილი წესით.

9.3 მიმწოდებლის მიერ ხელშეკრულების პირობების შეუსრულებლობის შემთხვევაში შემსყიდველი უფლებამოსილია ცალმხრივად მიიღოს გადაწყვეტილება ხელშეკრულების შეწყვეტის შესახებ.

9.4 შემსყიდველი ვალდებულია 9.3 პუნქტით გათვალისწინებული გადაწყვეტილების მიღების შემთხვევაში არანაკლებ 5 კალენდარული დღით ადრე წერილობით აცნობოს მეორე მხარეს მიღებული გადაწყვეტილების თაობაზე.

9.5 ხელშეკრულება ასევე შეიძლება შეწყდეს მხარეთა ინიციატივით, ურთიერთშეთანხმების საფუძველზე ან საქართველოს კანონმდებლობით გათვალისწინებულ სხვა შემთხვევებში.

10. ხელშეკრულების მოქმედების ვადა

10.1 წინამდებარე ხელშეკრულება ძალაშია მხარეთა მიერ ხელმოწერის დღიდან და მოქმედებს 2021 წლის 1 თებერვლის ჩათვლით.

11. ფორს-მაჟორი

11.1 ხელშეკრულების დამდები რომელიმე მხარის მიერ ხელშეკრულების პირობების შეუსრულებლობა არ გამოიწვევს საჯარიმო სანქციების გამოყენებას თუ ხელშეკრულების შესრულების შეფერხება ან მისი ვალდებულებების შეუსრულებლობა არის ფორს-მაჟორული გარემოების შედეგი.

11.2 ამ მუხლის მიზნებისათვის „ფორს-მაჟორი“ ნიშნავს მხარეებისათვის გადაულახავ და მათი კონტროლისაგან დამოუკიდებელ გარემოებებს, რომლებიც არ არიან დაკავშირებული შემსყიდველისა და/ან მიმწოდებლის შეცდომებთან და დაუდევრობასთან და რომლებსაც გააჩნია წინასწარ გაუთვალისწინებელი ხასიათი. ასეთი გარემოება შეიძლება გამოწვეული იქნას ომით, სტიქიური მოვლენებით, ეპიდემიით, კარანტინით, საბიუჯეტო ასიგნებების მკვეთრი შემცირებით და სხვა.

11.3 ფორს-მაჟორული გარემოებების დადგომის შემთხვევაში ხელშეკრულების დამდებმა მხარემ, რომლისთვისაც შეუძლებელი ხდება ნაკისრი ვალდებულებების შესრულება, 3 დღის ვადაში უნდა გაუგზავნოს

მეორე მხარეს წერილობითი შეტყობინება ასეთი გარემოებების და მათი გამომწვევი მიზეზების შესახებ. თუ შეტყობინების გამგზავნი მხარე არ მიიღებს მეორე მხარისაგან წერილობით პასუხს, იგი თავისი შეხედულებისამებრ, მიზანშეწონილობისა და შესაძლებლობისა და მიხედვით აგრძელებს ხელშეკრულებით ნაკისრი ვალდებულებების შესრულებას და ცდილობს გამოახოს ვალდებულებების შესრულების ისეთი ალტერნატიული ხერხები, რომლებიც დამოუკიდებელი იქნებოდნენ ფორს-მაჟორული გარემოებების ზეგავლენისაგან.

12. სადაო საკითხების გადაწყვეტა

ხელშეკრულების მოქმედების პერიოდში წამოჭრილი ყველა დავა გადაიჭრება ურთიერთშეთანხმების გზით. შეთანხმების მიუღწევლობის შემთხვევაში, დავის გადასაწყვეტად მხარეები უფლებამოსილნი არიან მიმართონ სასამართლოს საქართველოს მოქმედი კანონმდებლობის შესაბამისად.

13. უფლებების გადაცემა

მიმწოდებელმა შემსყიდველის წინასწარი წერილობითი თანხმობის გარეშე, არც მთლიანად და არც ნაწილობრივ არ უნდა გადასცეს მოცემული ხელშეკრულებით არსებული თავისი ვალდებულებები მესამე პირს.

14. შეტყობინების განხორციელება

ნებისმიერი შეტყობინება, რომელსაც ერთი მხარე, ხელშეკრულების შესაბამისად, უგზავნის მეორე მხარეს, გაიგზავნება წერილის, ელექტრონული ფოსტის ან ფაქსის სახით, ორიგინალის შემდგომი წარმოდგენით, ხელშეკრულებაში მითითებული მეორე მხარის მისამართზე.

15. მხარეთა უფლება-მოვალეობანი

15.1. "შემსყიდველი" უფლებამოსილია:

ა) ნებისმიერ დროს განახორციელოს "მიმწოდებლის" მიერ ნაკისრი ვალდებულებების შესრულებისა და ხარისხის ინსპექტირება;

ბ) ხელშეკრულების ფარგლებში გამოითხოვოს "მიმწოდებლისგან" მისთვის საჭირო დოკუმენტი.

15.2. "შემსყიდველი" ვალდებულია:

ა) აუნაზღაუროს "მიმწოდებელს" გაწეული მომსახურების ღირებულება ხელშეკრულებით გათვალისწინებულ ვადებისა და პირობების დაცვით;

ბ) უზრუნველყოს წარმომადგენლის გამოყოფა, რომელიც ზედამხედველობას გაუწევს პროცესს და საჭიროების შემთხვევაში, "მიმწოდებელს" გაუწევს შესაბამის კონსულტაციას.

15.3. "მიმწოდებელი" უფლებამოსილია:

ა) მოსთხოვოს "შემსყიდველს" გაწეული მომსახურების ღირებულების ანაზღაურება ხელშეკრულებით გათვალისწინებული ვადებისა და პირობების დაცვით.

15.4. "მიმწოდებელი" ვალდებულია:

ა) მომსახურება გაწიოს სათანადო ხარისხით და სრული მოცულობით ხელშეკრულების პირობების შესაბამისად

ბ) მომსახურება გაწიოს ახალი (ექსპლუატაციაში არ მყოფი) სათადარიგო ნაწილებით;

გ) უზრუნველყოს მისი ბრალეულობით „შემსყიდველისთვის“ მიყენებული მატერიალური და არა მატერიალური ზარალის ანაზღაურება.

15.5. თითოეული მხარე ვალდებულია კეთილსინდისიერად შეასრულოს ხელშეკრულებით ნაკისრი ვალდებულებები.

16. დამატებითი პირობები

16.1 არც ერთ მხარეს არა აქვს უფლება გადასცეს მესამე პირს თავისი უფლებები და მოვალეობები, მეორე მხარის წერილობითი თანხმობის გარეშე.

16.2 მესამე პირთან ურთიერთობაში მხარეები მოქმედებენ თავიანთი სახელით, ხარჯებითა და რისკით.

16.3 ხელშეკრულება შედგენილია ქართულ ენაზე, ორ ეგზემპლარად, რომელთაგან თითოეულს აქვს თანაბარი იურიდიული ძალა და ინახება ხელმომწერ მხარეებთან (ერთი პირი მიმწოდებელთან და ერთი პირი შემსყიდველთან). ხელშეკრულებასთან დაკავშირებული ნებისმიერი მიმოწერა შესრულებული უნდა იყოს ქართულ ენაზე. —

შემსყიდველი:

შპს „სანდასუფთავება“
მის: ქ. ბათუმი,
ჯავახიშვილის ქუჩა #55
ს/კოდი 245548153
სს „საქართველოს ბანკი“
ბ/კოდი: BAGAGE22
ა/ა GE57BG000000524452400

დავით დუმბაძე

მიმწოდებელი:

შპს „კია მოტორს ჯორჯია“
მის: ქ.თბილისი,
მცხეთა, აღმაშენებლის ქ
ს/კოდი 236096675
სს „ვითიზი ბანკი“
ბ/კოდი: კოდი: UGEBGE22
ა/ა GE44VT7000008888883602

გიორგი ამაშუკელი

დანართი 1

#	მარკა	მოდელი	სერიანომერი	ვინ კოდი	გამოშვების წელი
1	KIA	KIA/FRONTIER K2700	VU718VU	KNCSHY71CK7312538	2018
2	KIA	KIA/FRONTIER K2700	GG781SG	KNCSHY71CK7328175	2018
3	KIA	KIA/FRONTIER K2700	GG782SG	KNCSHY71CK7328176	2018

შემსყიდველი:
 შპს „სანდასუფთავება“
 მის: ქ. ბათუმი,
 ჯავახიშვილის ქუჩა #55
 ს/კოდი 245548153
 სს „საქართველოს ბანკი“
 ბ/კოდი: BAGAGE22
 ა/ა GE57BG000000524452400

დავით დუმბაძე

მიმწოდებელი:
 შპს „კია მოტორს ჯორჯია“
 მის: ქ.თბილისი,
 მცხეთა, აღმაშენებლის ქ
 ს/კოდი 236096675
 სს „ვითიბი ბანკი“
 ბ/კოდი: კოდი: UGEBGE22
 ა/ა GE44VT7000008888883602

გიორგი ამაშუკელი

სარეგლამენტო სამუშაოების ჩამონათვალი, მარაგ ნაწილებისა და მომსახურების ფასების მითითებით

N	დეტალების და მომსახურების ჩამონათვალი	განზომილება	რაოდენობა	დეტალის ფასი	მომსახურების ფასი	სულ ღირებულება
1	ძრავის ზეთი (სინთეტიკური)	ლიტრი	80	24		1920
2	ზეთის ფილტრი	ცალი	12	50	12	612
3	ჰაერის ფილტრი	ცალი	12	60	4	724
4	საწვავის ფილტრი	ცალი	12	84	12	1020
5	წინა სამუსრუპე ხუნღები	კომპლექტი	3	240	18	738
6	შპანა სამუსრუპე ხუნღები	კომპლექტი	3	240	72	792
7	თვლების ნახარის რეზულირება		3		48	48
8	ცეკლენიის კლიტა	ცალი	3	270	590	1400
9	ცეკლენიის დისკი	ცალი	3	360	590	1670
10	ცეკლენიის საკისარი	ცალი	3	105	590	905
სულ:						9829

შემსყიდველი:
 შპს „სანდასუფთავება“
 მის: ქ. ბათუმი,
 ჯავახიშვილის ქუჩა #55
 ს/კოდი 245548153
 სს „საქართველოს ბანკი“
 ბ/კოდი: BAGAGE22
 ა/ა GE57BG000000524452400

დავით დუმბაძე

მიმწოდებელი:
 შპს „კია მოტორს ჯორჯია“
 მის: ქ.თბილისი,
 მცხეთა, აღმაშენებლის ქ
 ს/კოდი 236096675
 სს „ვითიბი ბანკი“
 ბ/კოდი: კოდი: UGEBGE22
 ა/ა GE44VT700000888883602

გიორგი ამაშუკელი